



唐大詔令集卷第十

帝王

冊尊號赦下

元和十四年冊尊號赦

長慶元年冊尊號赦

寶曆元年冊尊號

會昌二年冊尊號赦

會昌五年冊尊號赦

大中二年冊尊號赦

乾符四年冊尊號德音

痊復

太上皇康復詔

疾愈德音

大和三年疾愈德音

咸通八年痊復救恤百姓僧尼勅

元和十四年冊尊號赦

朕聞惟人戴石因事必極於推尊惟辟奉天有善必歸於讓德在敷景化以
答玄功居有勞謙之思進多滿假之懼緬自遠古何嘗不由是而致理為朕獲
續睿圖祗膺神器上奉大祭下安群生恭已臨軒兢懷取朽志欲周于四海念
常切於一夫旰食宵興惟恐失墜運屬休泰時丁小康方隅廓清氛祲銷盪
斯乃上荷乾坤之垂佑宗社之降靈下賴卿士之叶心戎臣之宣力端拱嚮道
推誠任能豈于寡昧用集不績况至化猶鬱勤爰未寧而中外臣僚文武多
士累誠懇疏並進昌言願獻鴻名以增虛美拒衆心而卒顛轉切顧眇身而內
愧靡安乃撰吉良爰受典冊禋告于清廟虔聞于昊天當茲盛儀夕惕
增勵於戲朕自御極再加景號在徽章而孔脩諒淳寔而多慙宜因
行慶之辰誕布惟新之澤與物咸遂永孚于休可大赦天下自元和
十四年七月十三日昧爽已前大辟罪已下已發覺未發覺已結
正未結正繁囚見徒罪無輕重咸赦除之唯故殺人及官
典犯贓不在此限左降官量移近處已經量移者更與量移如復資
者即任便赴選集亡官失爵放歸不齒者量加收錄前資如有官因

瑕累未經錄用并左降官事情可恕才行足稱者宜簡拔獎用淄清
舊管內官吏人等將士百姓等縱有跡同惡逆掛涉流言事在時一切
不問京畿今年秋稅青苗及權酒錢每貫量放四百文從元和五年
至十年已前諸縣百姓欠負錢物斛斛等委京兆府疎理減放淮南
浙江東道宣歙江南西道湖南福建山南東道荆南等九道今年秋
稅錢合上供者每貫量與減放度支鹽鐵戶部應有逋懸並委本司
疎理具可放數聞奏比來州縣並不定戶貧富變易遂成不均前後
頻有制勅長 不盡遵守今宜三年定必使均平內外文武見任及
致任官三品已上賜爵一級四品已下加一階仍賜勳兩轉神策六軍金魚
皇城威遠諸道將士經准西淄青兩度立功者更賜勳兩轉二王三恪及
文宣公神策六軍金吾皇城威遠等諸軍應在城內蕃客並節級 物
侍中韓弘續冊官崔羣讀寔官皇甫鏞並各加一階已至三品者賜爵
二級撰冊文官崔羣與一子正員官其餘應職掌行事加階賜勳有差
故尚父子儀贈太尉秀寔及張巡許遠南霽雲顏真卿杲卿子孫各
與官及出身實應興元功臣各賜勳爵天下諸色人有賢良方正能直

直言極諫博通墳典達於教化軍謀宏遠堪任將帥詳明改術可以
理人者委內外官各奉所知當親自策試中書門下選黜陟使分巡
天下百姓高年者頒賜有差

長慶元年冊尊號敕

元稹

我高祖太宗化隋為唐奄宇區夏包奉四海全付子孫其何事哉被
昏盈而我勞勩也明皇承之能大其業六戎八蠻罔不黃奉由是庶
尹施政庶吏弛刑視人不勤視盜不謹燕寇救起洞元藩籬六十有
七年兵革大試其何事哉據逸安而易萌漸也逮我聖父勤身披攘
斬斷誅除天下略定曾是幽冀賜予懷來荷賴景靈丕訓不墜環歲
之均二方平寧與予何功時帝之力而卿大夫猥以大號加于眇身
讓于四三益甚其請皇太后如聞其事歡然慰心慈旨下臨臣誠
上迫祇受典禮懍予懷尚念昔者七十二君莫不升中慶成自以為
堯舜莫已若也然而不為堯舜之行者來代無傳焉朕嘗推是心為
不欲名浮於寔今卿大夫謂我為文武孝德矣其將何道以匡予予
其業業兢兢日慎一日慕陶克虞舜之行以自勉思文祖憲考之道

以自勤予苟不思無忘納誨於戲溢美之名既不克讓潤物之澤夫
何愛焉可大赦天下自長慶元年七月十八日昧爽已前罪無輕重
咸赦除之唯故殺人并官典犯賊不在此限應左降官流人奉因犯
賊得罪者宜依今年正月三日制處分京畿諸縣及度支鹽鐵戶部
負欠各疎理放免有差應經戰陣處之所在州縣收瘞遺骸仍量事
與糗糧兼以禮致祭李師道美兄濟自絕於天並從誅 念其祖父
嘗事先朝墳墓所在並不得令人擅有毀廢愛人本於省賦雖必在
輕國用出於地財人安可闕今淮蔡并山東率三十餘州約數千里
頒賜或踰於鉅萬經復有至於連年應河北等州給復限滿處置宜
委所在長吏審詳墾田并素見定數均輸稅賦兼濟公私每定稅訖
所增加賦申奏其諸道定戶宜委觀察使刺史必加審寔務使均平
京兆府亦宜准此其百司職田在京畿諸縣者訪聞本地多被所由
侵隱抑令貧戶佃食蒿荒百姓流亡半在於此宜委京兆府勘會均
配務使公平其京兆百姓屬諸軍諸使者宜令各其挾名勅下京兆
府一戶之內除已屬軍使餘父兄弟子弟據令式年幾合入色役者並

令京兆府明立簿籍普同百姓一例差遣頻年已有制勅處分委京兆府舉明旧章條件聞奏刑獄所繫理道最切如聞比來多有稽滯一拘囹圄動變炎涼自今已後宜令御史臺切加訪察每季差御史巡囚事涉情故或斷結不當有失政刑經沒官被人情射本官及子孫到並委却還天下諸色人中有能精通一經堪為師法者委國子祭酒訪擇其有課績特除堪在朝獎者臺省官有闕宜先選擇自今郡守恪奉詔條清廉可紀四考與轉諸道或開釋禁錢自為條約切宜禁斷其内外文武及致仕官三品已下各加一階陪位白身人賜勲兩轉故尚父汾陽王贈太師晟贈太尉秀寔各與一子八品官顏真卿景鄉張巡許遠南霽雲各與一子出身武德已來功臣子孫量加獎用中書門下及節度使帶平章事者各與一子八品正員官祖父母及父母並與贈官封父歿母存者與邑号已贈已封者與進贈及邑号禮儀使不禮使度支鹽鐵使京兆尹各與一子出身文武常參官并致仕官諸道節度觀察經略等使及神策等諸軍使父見存者量與致仕官母存者與邑号父母亡歿與贈官及邑号東都留守及諸道節度觀察經略等使神策金吾六軍將威遠鎮國軍使各與一子出身陝州奉先興元功臣更賜勲爵有差身歿未經追贈者與追贈應緣大礼移伏宿衛御樓立仗將士普恩之外賜勲爵有差仍准舊例賜錢二十萬四千九百六十端匹段貫大礼職掌行事官及留守等更賜勲爵及加階升壇殿行事官更特加一階應在城內蕃官客等賜物有差常參官及刺史有停替及病假解官及終制未授官委中書門下量才進擬其有情願致仕官者亦聽天下諸色人中有賢良方正能直言極諫博通墳典達於教化軍謀宏遠堪任將帥政術詳明可以理人者委有司各奉所知限今年十月到上都天下具事由聞奏其天下州縣並委御史臺并出使即官御史兼諸道巡院切加察訪近邊所置和糴皆給定價如聞頃來積弊頗甚美利蓋歸於主掌善價不及於村閭或虛招以奉於強家奏獻用資於游客若不嚴約弊何可除宜委度支精擇京西京北應供糧軍并和糴院官并營田水陸運使切加訪察仍作條流檢轄速具奏聞應停諸道年終勾并不許刺史上使并錄事參軍不得擅離本州委御史臺

切加統奉内外文武見任并致仕官賜官爵有差神策六軍金吾威
建皇城將士普恩之外各賜勳三轉大長公主公主嗣王郡主縣主
神策六軍金吾威遠皇城等諸軍將統軍以下兼將士等長行立仗
及守本軍本營者各賜物有差鴻臚禮賓院應在城內蕃客等並節
級賜陰山貴女來近天孫會王明庭克親盛典念吾妹之將遠於禮
賓而宜加其迴鶻公主別有賜物攝侍中讀寔戶部侍郎平章事崔
植各加一階撰冊文官中書侍郎平章事崔植與一子正員官奉冊奉
寶綬書玉冊書寶官各加兩階進寶綬進冊進中嚴外辨禮儀贊導
押冊押寶綬昇寔冊官各加一階其餘應職掌行事官并寫制書官太
常修撰儀注禮官并內定行事中使三品已上賜爵一級四品已下加一
階仍並賜勳兩轉鑄造玉冊并墳金事造寶裝寶官等各賜五十段
尊師重傅有國常經李逢吉常綬薛倣丁公著等普恩之外各加一階
如已至三品四品者賜爵一級天下百姓年九十已上委所在長吏量加存
孝子順孫義夫節婦先以旌表者亦量加優恤五嶽四瀆名山大川并自
右聖帝明王忠臣烈士各令所在以禮致祭

寶曆元年冊尊號赦

門下朕聞奉天地之大統必酌于人心荷祖宗之誠訓必恭于國典顧
惟眇身守任重器道未能被物德不足蓄身賴于宗公碩克輔導承弼
享祧奉鬯熏燎告玄履曆正元敷施大号庶萬方咸若四表穆然皇
祖披攘之基列聖焦勞之業恬焉而有恭焉而居晝以度心夜以省
己其何德以堪之方將法乾以行健躰咸而致和執冲以固高守納以
待滿而文武百辟章奏四上以為人心不可以曲讓國典不可以矯違
亦用慰于太皇太后皇太后之意屈而後俞諒非獲已豈不以予非生
知欲以徽稱懿号誘掖勸慕之乎將使循名而勉其寔力寔而應其
名乎然則予方且以為常紘方且以為歲誥楙于皇極庶無尤遠是
宜與物同利惟新大澤可大赦天下自寶曆元年四月二十二日昧爽
已前大辟罪已下已發覺未發竟已結正未結正繫囚見徒罪无輕重
咸赦除之唯故殺人及官典犯賊不在此限

會昌二年冊尊號赦

門下昔我高祖太宗始造區夏闢乾坤以覆載揭日月以照臨盛德

耿光格于上下昊天有成命我二后受之列圣不图克大其緒文綏武靖奕葉連枝逮予續修罔敢失墜誠欲追蹤在昔貽範將來陶末俗於至和返大朴於已散而道不足以居域中之人文不足以成天下之化恭已南面夙興夕惕遐想理古歎然于懷至於嗣歲豐穰寰海康靜妖弥滅息華夷大同茲宴鑒祐自天臣敢在下諒非已出安敢自多而三台百辟陳忠瀝懇如我大號其何以堪謂予守文宜述先志抑而不行者三請確而不拔者群誠豈貪在己之名姑念從人之欲祇膺典冊良深揚屬於戲顏子匹夫也猶四舜何人哉矧有其位行其教化而不思齊其道也尚念交脩俾克用又今維夏長養之時動植之物莫不自遂思有以導迎和氣生活吾民是用稽犧文之作解發虞書之肆赦惟思宥過典物同休可大赦天下自會昌二年四月二十三日昧爽已前大辟罪已下已發竟未發竟已結正未結正繫囚見徒罪無輕重咸赦除之唯犯十惡叛逆已上故殺人及官典犯賊不在此限

會昌五年冊尊號赦

門下王者事帝必嚴禋祀之容臣下歸功爰極推崇之義既膺顯號式展盛儀因時布和順歲更始前聖垂範逮予是遵矧以眇身幸逢昌運雖履冰惟懼而涉道未周緊我輔臣洎茲列岳內盡交脩之志外分共理之愛乃者虜衆乖離部族款附救帝子於擅裘之所致名王為冠帶之臣堅昆來朝不遠萬夷貊嚮化克同九州重以上黨狂童竊襲叛跡問罪之師既集元兇之首遂梟廓清亂風洗滌汚俗翦逆升而故都虔定窟摩尼而懷法永除由是退惡進賢化刑令奉刑奸賊之吏破黷貨之家此皆宗社降靈助成時政豈朕涼德獨擅厥功而中外誠臣文武多士累陳懇疏再舉鴻命辭不獲從被此虛美是用虔告清廟明禋上玄煙燎所升靈贖如答既展郊禮重中國經宜因行慶之夜誕布惟新之令同我景福永享於休可大赦天下自會昌五年正月三日昧爽已前大辟罪已下罪無輕重已發竟未發竟已結正未結正繫囚見徒常赦所不原者咸赦除之

大中二年冊尊號赦

門下我國家披皇圖以立極執文象以升中膺嗣神宗重熙累盛逮予稽古聖考紹復中興洗滌宿氛廓開昌運天命不易賜予先符荷社宗

之耿光致靈瀛之小春于戈載戢風雨順時北狄來賓西戎効款豈予菲薄
沆此肅清皆中外元寮文武多士同心協贊而使之然益用兢慙以成盈
滿而乃累陳丹懇願上鴻名宰讓不從瀝誠彌切於戲昔賢有云舜
何人也我何人也苟或讓之不遂予亦敢不思齊今執百事謂予曰聖
敬敢忘湯武日躋之詩謂予曰文思敢忘放勛欽明之典謂予曰和武
敢忘保大之功謂予曰光孝敢忘繼志之義以是自勗庶無悔焉淳寔
之名既不獲已乘春之澤當務惟新可大赦天下自大中二年正月三日
昧爽已前大辟罪已下已發覺未發竟已結正未結正繫囚見徒罪無
輕重咸赦除之惟犯十惡五逆已上故殺人及官典犯賊不在此限

乾符四年冊尊號德音

天地運無私之道以遂群生帝王弘在宥之仁是章含垢浣不廣霽霽
昭洽寰區爰施解網之恩用旰衣之化朕君臨大寶子育含靈前歲中
外臣僚藩方將帥獻我徽号詢于憲章雖云前赦不遙既受鴻名咸施
慶澤稟列聖之法制致兆人之勸康然以赦又恐頻變通宜審權停旧
典再及新春每念貶降遐荒遷流尙上傾心望闕延頸祈哀繫於朕懷

常深惻憫宜順陽和之候追行盪滌之恩自乾符四年正月五日已前京
畿及天下州府大辟罪已下見禁囚徒各委長吏遞減二等限五日決遣
唯犯十惡五逆故殺人及官典犯入已贓持刃行劫合造毒縣不在此限於
戲朕居億兆之上于今四年業、兢、如履冰取朽首有關教道可致
時雍未嘗不更自勞心尤思致理况允契群臣之望欽承列聖之規特降鴻
恩獲遵彝典今則已覃惠澤俾洽生成復遇陽春同均煦育宣布中外深
體朕懷

痊復

太上皇康復詔

書不云乎一人有慶兆民賴之朕虔奉安受敬崇極日嚴之養禮慄斯在
近日聖躬遠豫寢膳有虧憂懼在懷不遑寧處博求醫術備盡蠲瘵
祈告明靈具陳懇篤上玄降福遂蒙昭祐應時康愈万福咸宜善幸之
隆實兼家國思班愷樂洽于卿士然而尚齒崇孝德教所先饗餼是加
義超常寺諸州都督刺史及文武官人老人八十已上并孝子旌表門
閭者並宜節級賜物以申饗宴庶使万國之內同此歡心施于四海皆

知朕意 正親四年七月

疾愈德音

朕遐思三古傍考百王邁德彰仁在於兢慎故詩稱翼一易美軌一惟此之格言豈忘於終日况天地之仁莫先於利物朕乃者膳飲非適異居不時風霜所侵遘厲瘡疾賴上玄降鑒列聖垂休尋克有瘳至于安節深慙慎德重切貽愛爰因康復之初式表兢勤之至况江淮旱歉滑鄆水災方念恤人寧忘約已應緣御服及器用在淮南浙西宣歙等道各拱進者并端午降誕常例進獻等一切權停其諸道每年准旨條合貢者委度支商量疏理如非切要涉於冗長者一切停進大適情悅目肆巧雕文翫好雖充農蚕寔蠹朕將齊服應用思黎元應諸道除常貢外不得別進翫好之物近日諸道多奏祥瑞且休徵所感靈跡所昭必驗祥經應玄化自今已後除合准式申奏外餘一切不得妄有進獻虛為煩費早宮菲食常遵大禹之心馳聘畋遊每奉玄元之誠朕勞思惜費恭念好生將欣濟人期於剋已每日供御及供宮內食料等一物已上各委本司商量節減仍其所收費用數速

分析聞奏當付度支管計以添充經用五坊鷹狗之類量留充備蒐狩之外一切盡放其淮南等道當臨遣使臣別有處分於戲天鑒在上敢不嚴恭人視在下敢不兢畏既驗有喜之兆永懷無逸之規凡在中外宜表朕意 長慶三年二月

疾愈德音

朕祇若天命續承睿圖正統紀以清庶方序彝倫以貞百度慄一寅畏于茲九年雖儉已飾躬推誠育物懼有未至不遑安寧屬節氣交時疾恙嬰體列聖垂祐涉旬復初既上慶於兩宮宜覃恩於兆姓庶與寰宇同茲福祥自太和八年二月九日昧爽已前天下應犯死罪降流流已下罪逆減一等唯官典犯賊及諸色所由破用官物故殺人子惡等罪不在此限左降官流入宜准去年八月十九日勅即每處分為政之要必在去煩厚下之恩莫先已責應度支戶部益鐵積欠錢物或因繫多年資產已盡或本身淪歿展轉攤徵簿書之中虛有名數罔罔之下常積滯寃言念于茲所當矜恤其度支戶部益鐵應有懸欠委本司具可徵放數條流聞奏不得容有奸濫京諸司使

食利錢已納利計五倍已上者本利並放其有攤徵保人納利計兩
倍已上者其本利亦放免京色之內本無權酷屬貞元用兵之後費
用精廣始定店戶等第令其納權况万方所聚私釀至多禁令况不
可施權利自無所入徒立課額殊非惠人其長安萬年兩縣見徵權
錢一万五千一貫八百文若先欠者並宜放免其權酒錢起今亦宜
停比者滄寇于紀稽誅數年諸道與師累獻戎捷時方討叛雜議釋
繹免死戍邊已有恩貸今滄州一道夕被朝章念其懷土之心必有
向隅之歎俾之遂性用洽優恩其諸道所送滄州將健配流及邊鎮
營田役使者並委本道據見在人放歸本管如有已効軍職及自有
生業不願去者亦任便住董昌齡自邕州累平溪洞兵威所向首惡
皆擒言念蒼生無非赤子况在荒徼尤當撫循其溪洞如有未歸附
者向後非因侵擾更不用進討仍加存撫各使懷安所獲黃洞百姓
並分配側近州縣令自營生不得沒為奴婢將充賞給如元是奴婢
者即任充賞南海蕃舶本以慕化而來固在接以恩仁使其感悅如
聞此年長更多務徵求嗟怨之聲達於殊俗况朕方寶勤儉豈愛遐
賻慮遠人未安率稅猶重思有矜恤以示綏懷其嶺南福建及揚州
蕃客宜委節度觀察使除舶脚收市進奉外任其來往自為交易不
得重加率稅天下諸州府如有寬滯未申宜委御史臺及出使郎官
察訪聞奏朕百靈所祐獲遂痊和虔奉神休敢忘昭報其五岳四瀆
天下名山大川各委所在長吏致祭仍加豐潔以副精神朕以壽德
上承丕構宗社流慶玄穹叶靈微恙懋和旋就康復渥澤恩及於人
瘼劄貳先自我朕躬俾我華夷共歡富壽中外臣庶宜躋予懷

咸通八年痊復救恤百姓僧尼勅

勅朕比寒暑致疾綿滯經時今旬朔之間寢膳已復蒙天地保佑宗
社寵靈既疾痛之有瘳念疲羸之無告為之父母得不憫傷慮救令
之或頻則奸人之得計儻恩惠之遠布莫窮氓之稍蘇應天下百姓
僧尼道士女冠等有年七十已上疾病癡痼委頓床榻者宜各賜絹
兩匹在軍旅經陣敵傷害手足眼目不能營生亦各賜絹兩匹應州
縣病坊貧兒多處賜米十石或數少處即七石五石三石其病坊據
元勅各有本利錢委所在刺史錄事奉軍縣令糾勸兼差有道行僧

入專旬當三年一替如遇風雪之時病者不能求丐即取本坊利錢
市米為粥均給飢乏如疾病可救即與市藥理療其所用絹米等且
以戶部屬省錢物充速具申奏候知定數即以藩鎮所進賀疾愈物
支還所司此勅列仰所在州縣寫錄勅榜於州縣門并坊市村閭要
路其州縣所給郵絹米恐下吏之所隱欺仍委刺史縣令設法頒布
不得令不到本身所在給郵之後一一分析聞奏俾令速濟疾病稱
朕意焉咸通八年十一月六日

唐大詔令集卷第十

唐大詔令集卷第十一

帝王

遺詔上

神堯遺詔

太宗遺詔

太帝遺詔

肅宗遺詔

代宗遺詔

德宗遺詔

憲宗遺詔

穆宗遺詔

神堯遺詔

嗚呼夫壽命終畢人之大倫修短之所共同聖賢之所不免朕往逢
喪亂思濟黎元櫛風沐雨東征西伐剋平宇內從此樂推遂膺景命
恭承寶曆但蒙犯矢石羈東戎旅久厭干戈常思閑逸是以拂衣高

謝歸老櫟陽爰委萬機屬之才子所授得人遐迩寧輯四海清晏入
表來庭養志怡神於今十載但去秋已來風疾咸發自爾彌留至于
大漸皓首歸全斯何恨矣洮頽憑几略陳素志朕每覽漢文遺詔慙
懃歎焉以為當今之世咸嘉生而惡死厚葬而破業重服以傷生吾
甚不取且朕既不德無以佐百姓今崩又使重服久臨以罹寒暑之
數以重吾之不德謂天下何吏民令到出臨三日皆釋服無禁嫁娶
飲酒食肉此豈非深達天命哀矜百姓者歟又魏文終制亦有可取
朕雖德愧古人豈忘景行屬纊之後三日便殮文武官人三品已下
三日朝晡哭臨十五舉音事訖便出四品已上臨於朝堂殿中當臨
者非朝夕臨時無得擅哭其方鎮岳牧在任官人各於治所舉哀三
日且今王師四討軍機急速小殮既竟嗣子宜於別所視事軍國大
事不得停闕尋常閑務任之有司其服輕重悉從漢制以日易月
於事為宜其園陵制度務從儉約斟酌漢魏以為規矩百辟卿士孝
子忠臣送往事居勿違朕意焉

太宗遺詔

貞觀九年五月六日

紐

夫天命之重錄錯奉其圖書天子之尊赤縣先其司牧而功兼造化
喬山之樹已陰業致昇平蒼梧之駕方遠至於平寇亂安黎元洒洪
災禳大患黃帝之五十三戰商湯之二十七征以此申威曾何足美
昔者亂階斯永禍鍾隨季馨宇凝氛曠昏辰象綿區作梗搖蕩江河
朕拂衣於舞象之年抽劔於斬蛇之歲雖復妖千王莽戮首輓車兜
百蠻尤置尸軍鼓垂文暢於炎野餘勇澄於斗極前王不聞之士悉
請衣冠前史不載之卿並為州縣再維地軸更張軌絡禮義溢於寰
瀛菽粟同於水火破舟船於靈沼收干戈於武庫卒李衛霍之將咸
分土宇播紳廊廟之材共垂綏至於比屋黎元閔河遺老或贏金
帛或齎倉儲朕於天下士大夫可謂無負矣朕於天下蒼生可謂安
養矣自櫛風沐雨遂成殫殍爰廢政更起疴疴况乃漢苦周勤禹
偏堯腊以矜百姓之所致也道存物在人理同歸掩乎玄泉夫亦何
恨矣皇太子某大孝通神自天生德累經監撫熟達機務凡厥百僚
群公卿士送往事居無違朕意屬纊之後七日便殮宗社稷存焉不
可無主皇太子即於柩前即皇帝位依周漢旧制軍國大事不可停

闕尋常閑務任之有司文武官人三品已上並三日朝晡哭臨十五
率音事畢便出四品已下臨於朝堂其殿中當臨者非朝夕臨無得
擅哭諸王為都督刺史任者並未奔喪濮王萊王不在來限其方鎮
岳牧在任官人各於任所率哀三日其服紀輕重宜依漢制以日易
月園陵制度務從儉約昔者霸陵不掘則朕意焉遼東行事並停
太原元從人現在者各賜勲官一級諸營作土木之功並宜停斷
二十三年五月

大帝遺詔

朕聞皇極者天下之至公神器者域中之大寶自非乾坤幽贊曆數
在躬則鳳卽不易而臨龍圖雖可輒御所以榮河綠錯彰得一之符
溫洛丹書著通三之表緬稽前古斯道同歸朕之聖祖神宗降星虹
而稟樞電來時撫運逢海沸而屬山鳴濡足橫流拯蒼生之已溺援
手矣岳救赤縣之將焚重補九寰止麟闕而清日月再安八極息龍
戰而蕩風波自彼迄今六十六載黎元無烽柝之警區竊志耕鑿之
歡育子長孫擊壤鼓腹遐迩交泰誰之力歟朕以眇身嗣膺鴻緒欽

吳

興

若穹昊肅雍清廟願謨明命載迪彝倫嘉與賢士大夫勵精為政曷
已想蛟冰之懼為善慕雞鳴之勲幸戎夏乂安中外禔福日月寔以
覃正朔匝日域而混車書端拱無虞垂衣有截其天意也豈人事乎
每尊俗匡時既弘之以禮讓恤刑薄罰復躋之於仁壽聞九農之或
爽則虧膳以共其愛見一物之有違則撤樂以同其感斯亦備諸耳
目非假一二言也爰勤之至庶有感於明靈亨育之懷謂無負於黔
庶言薄德薄疾弥留往屬先聖初崩遂以哀毀染疾久嬰風瘵疲
與年侵近者以來忽焉大漸翌日之廖難冀賜年之福罕期但存亡
者人之晦明生死者物之朝夕常情所滯唯聖能通脫履萬方無足
多恨皇太子哲握衷履翼敷敏徇齊早著天人之範夙表皇帝之器
凡百王公卿佐各竭廼誠劭保元子克隆大業光我七百之基副斯
億兆之願既終之後七日便殯天下至大宗社至重執契承祧不可
暨曠皇太子可於柩前即皇帝位其服紀輕重宜依漢制以日易月
於事為宜園陵制度務從節儉軍國大事有不決者兼取天后進止
諸王各封一百戶公主加五十戶内外文武九品已上各加一階三

品已下賜爵一級永徽以來入軍年五十者並放出軍天下百姓年五十者皆免課役廢萬金芳桂等官

弘道元年十一月十四日

肅宗遺詔

勅帝王享國天命有常大寶傳歸皇綱無易朕幸以涼德繼承宗祀在常樂問安之日屬元凶間量之初南奉聖皇北集戎事賴將相同德社稷降靈爰發五原成師一旅丕圖克振華夏又寧旰昊之心每勤思於兆庶晨昏之禮嘗不置於庭闈而天禍上延神心未悔正當金革罹此凶災遂構膏肓惟幾大漸及茲理命獲着誓言庶安國以保人豈嘉生而惡死審以大計屬于公卿皇太子豫仁孝元良聰明齊聖佐成大業能事神祇朕既弥留可守宗祏宜令所司當日具禮於柩前即皇帝位應緣朕喪事制度並准聖皇遺詔其諸道節度使都督刺史等並不須赴哀又為兵革未寧郵驛艱弊一切不須專使奉慰朕執喪在疚不食葷羶所設饋奠皆須如在有違本意神亦不歆其祭祀之禮一切不得宰殺且國儲非廣虛費稍多宮掖之間須有警華所有三公內人宜量事減省及至德已來籍沒家口非切要

者並與放出諸王院內亦宜准此其文武官僚合須廢費天下百姓宜在優矜每當變易之時皆下新惟之命並委皇帝節級處分嗚呼股肱勳臣豈保元子事居送往諒在于茲宣示萬邦宜從朕意

寶應元年八月十八日

代宗遺詔

朕以眇身祇奉鴻業不能光宣大訓嘉靜萬國奉祖宗重熙之德若卿公寅亮之勤旰食宵衣痛心疾首嗚呼天地之理死生常數疾既大漸弥留日臻惟懷永固嗣守丕業皇太子元良繼明睿哲齊聖宜陟元后保守宗祧宜令所司當日具禮於柩前即皇帝位仍以司徒兼中書令汾陽郡王子儀攝冢宰其喪儀及山陵制度務從儉約並不得以金銀綿絲為飾天下節度觀察團練使刺史等並不須赴哀祭祀之禮亦從節儉其三宮內人宜令量事減省諸王院亦宜准此其天下人吏勅到後出臨三日皆釋服無禁婚娶祠祀酒肉其宮殿中當臨者朝夕各十五舉音禮固從宜喪不可久皇帝宜三日而聽政十三日小祥二十五日大祥二十七日而釋服後奉宗廟之靈承

終天祿所痛不得與佐命勲賢庶尹卿士顧命永訣以託萬方內外
腹心之臣文武忠良之士劬保元子以安家邦嗚呼其聽朕命大曆
年五
月

德宗遺詔

朕承八聖之休德荷上天之眷祐嗣守丕訓不敢荒寧賴宗廟之靈
群后之力戡定大難以康兆人嚴恭寅畏二十有七載今天降疾不
具不寤是用審訓宜聽朕言皇太子謂元良維明睿哲齊聖孝友和
惠恭勤溫文必能親祖宗之耿光紹邦家之大業即宜於柩前即皇
帝位嗚呼朕常奉聖祖玄元清靜之教勵精至道保合太和每忘已
以愛人豈嘉生而惡死咨爾將相卿士方伯聯帥其劬保元子永綏
萬邦各有叶心同底于道無廢我高祖太宗之休命諸道節度使觀
察防禦等使及諸州刺史等膺鎮守之任有軍旅之事所寄尤重不
可暫曠不須赴喪易日之制宜遵舊典文武官等朝晡哭臨十五舉
音朕每覽漢史至孝文薄葬之詔未嘗不歎息嘉尚緬慕其風園陵
制度務從儉約百辟卿士孝子忠臣送往事居無違朕意正元二十
二年正月

憲宗遺詔

朕以薄德嗣膺祚寶執珪璧以奉九廟垂衣裳以臨萬邦十有六年
于茲矣賴天地敷祐宗社降靈內有百辟多士外有州牧方伯文武
並用忠賢叶心以弼予一人以康彼兆庶哉剪群慝廓清九圍方保
和平共登仁壽而萬務所逼六氣或侵遘疾有加至於大漸用申顧
命式合典謨皇太子恒天縱睿哲日躋誠敬惟孝惟友克克克仁心
能嗣祖宗之丕訓守邦家之鴻業宜令所司具禮於柩前即皇帝位
仍以司徒兼中書令弘攝冢宰應諸道節度觀察防禦等使及諸州
刺史寄任尤切並不須赴哀皇帝易月之制皆依舊典文武官等朝
晡哭臨十五舉音其喪儀及山陵制度務從儉約嗚呼始終常禮矣
可甚哀漢文至言朕所以尊慕咨爾將相洎中外腹心爪牙之臣其
劬保元子惟懷永罔以續我高祖太宗之耿光無廢朕命元和十五
年正月

穆宗遺詔

勅朕以眇身嗣守丕構雖勤求理道不敢荒寧而保慎或乖遘茲屬
疾賴上玄垂祐宗社降靈洎中外庶臣克輔寡德服餌願養踰于周

星而陽氣熇煩宿恙暴作頃刻之際至于弥留伊死生之礼必有其
分顧託有所予何恨焉皇太子湛春哲温恭孝友明敏自膺儲貳休
德日新必能嗣于耿光紹我先業宜令所司備禮於柩前即皇帝位
咨尔卿士洎方伯連帥欽輔元子永綏萬邦宜叶乃心用底于道宜
令門下侍郎平章事李逢吉攝冢宰諸道節度觀察防禦等使及諸
州刺史守鎮之重戎旅事殷並不須赴喪易月之制宜遵舊典文武
官等朝晡哭臨十五舉音山陵制度務從儉約無禁婚嫁祭祀飲酒
食肉其醫官等念其勤瘁亦可矜憐並不須加罪宜便釋放將相卿
士中外臣寮送往事居無違朕意

長慶四年正月

唐大詔令集卷第十一

唐大詔令集卷第十二

帝王

遺詔下

文宗遺詔

武宗遺詔

宣宗遺詔

懿宗遺詔

僖宗遺詔

遺詔

睿宗遺詔

明宗遺詔

順宗遺詔

遺詔下

文宗遺詔

勅朕以寡昧祇承丕業慕貞觀之至化希開元之中興十有五年勤

勞宵旰雖俗未臻於仁壽而物或近於乂寧斯乃群后叶心豈朕獨
致自謂勵精未已洽平可期誠不感通宿疾重邁藥石無補至於弥
留推懷懿圖宜有顧託是用審訓其聰予言皇太弟溫睿哲明禔孝
友溫文中正寬仁博達周敏必能揚祖宗之休烈闡皇王之令猷宜
於柩前即皇帝位仍以門下侍郎平章事攝冢宰軍國務殷
豈可以曠以日易月宜遵舊章皇帝三日而聽政二十七日釋服天
下節度觀察防禦等使及監軍諸州刺史職守非輕並不得離任赴
哀天下人吏百姓告哀出臨三日皆釋服無禁婚嫁祠祀飲酒食肉
釋服之後無禁奉樂文武官等朝晡臨事皆十五舉音宮中當臨者
非時無得擅哭漢文薄葬朕定慕之營奉陵山務從儉約勿以金銀
綿絲緣飾喪具醫術徒夙夜勞苦深可矜念不須加罪仙韶樂官勒
歸本司五坊鷹犬並 解放嗚呼生死常期今古無異予所素達何
足甚哀咨爾將相卿士內外復心瓜牙之臣其勸保我令弟緝寧邦
家成朕素懷克匡于道布告遐迩咸使聞知

武宗遺詔

開成五
年正月

朕以寡德祇守丕業恭臨萬寓追茲七年夙夜憂勤聿修大政剷除
黠虜通款堅昆誅稔惡闔擒并并部去摩尼壞法革釋氏邪風免靈
生人式資正教漸移時裕庶及和平撫育黎元奠成理道行化逾切
親政益勤寒暑所侵厥疾斯邁藥石無補以至大漸皇太叔父之親
賢長之順天資睿哲聖劬日躋光揚祖宗善繼休烈而能內睦九族
外臨萬機德可以寧庶邦仁可以安百姓朕之推擇無愧神明付託
得人顧復何恨宜令所司具禮柩前即皇帝位仍令太尉平章事德
裕攝冢宰軍國事重不可暫闕以日易月抑惟舊章皇帝三日而聽
政二十七日而釋服天下節度觀察防禦使監軍諸州刺史職守非
輕並不得擅離任赴哀天下人吏百姓告哀後出臨三日皆釋服無
禁婚嫁祠祀飲酒食肉釋服之後無禁舉樂文武官朝晡臨時十五
舉音宮中常臨者非時無得擅哭漢文薄葬朕當所慕之營奉山陵備
從儉約勿以金銀錦絲緣飾喪具醫人陸行周奪章服及官與趙全
素任從所適醫官郭玄已下三人釋放依前翰林收管五坊鷹犬除
留備蒐狩外並解放噫生也有歸之人大數脩短定分天理惟常難

古聖賢無能免者在乎守其道而知其終全其義而歸其正節哀順
變存者不至於傷生委化觀空逝者無勞於哀痛素達此理何足與
嗟咨尔元老大目內外庶位劬奉皇帝保寧邦家布告遐迩咸使知
委會昌六年三月

宣宗遺詔

詔曰死生之理脩短之期古往今來是其常也爰以宗祧所繫嗣續
有歸眷彼臣寮宜申顧託我先朝憲宗昭文勒武大聖孝皇帝承十
聖之基構翼翼為心平五道之寇讎孜孜不怠雖長慶促運寶歷生
奸文宗揚其耿光武宗付朕鴻業自臨億兆十有四年每思履武修
文庶幾聖德要道賴諸良弼罄乎嘉猷或陳無逸之篇或進勿休之
說東后畢覲西旅維來古復河湟拓疆三千里外告成宗廟雪恥二
百年間僅稱太平咸曰丕交顧服寡昧以堪之今也天命靡常冥敷
先定與我之齡雖盡卜世之年甚長趣被若歸過之命而非天釋然
何慮貽厥孫而有謀皇太子灌羽翼早成春秋已盛既膺主鬯克荷
承祧宜樞前即位仍以門下侍郎平章事令孤絢攝冢宰軍國務殷
豈可以久曠以日易月宜遵旧制皇帝三日而聽政二十七日而釋
服天下節度觀察防禦等使及監軍諸州刺史職守非輕並不得離
任赴哀天下人吏百姓哀後出臨三日皆釋服無禁婚嫁祠祀飲酒
食肉釋服之後無禁舉樂文武官等朝晡臨時皆十五奉音宮中當
臨者非時無得擅哭前漢與後魏者文俱從薄葬朕甚慕之營奉山
陵稍減常制勿以金錦銀絲緣飾喪具鑿術之徒夙夜勞苦深可矜
念不須理問五坊鷹犬並令解放咨尔內外將相爪牙復心之內其
敬保我令子緝寧我邦家成飛懷克底于道布告遐迩咸使聞知大
十三年八月

懿宗遺詔

朕祇事九廟君臨四海夕惕如厲宵分摩寧必求政化之源思建大
中之道至於懷柔夷貊偃戢干戈皆以德綏亦自剛致奠清之為理
庶洽平之可臻自秋以來忽尔嬰痲坐朝既闕踰旬未瘳六疾斯侵
萬机多曠醫和無驗以至弥留嗚呼數哉有窮聖賢之所必明於斯
言是為達節載申頌命式叶典謨皇太子推勾當軍國事懷性稟寬

和生知忠孝德色春哲聖表徇齊必能揚祖宗之重光荷升家之丕
構宜令所司具禮於柩前即皇帝位以司空門下侍郎平章事常保
衛攝冢宰軍國務躬豈可久曠況易月之制行之自古皇帝宜三日
而聽政二十七日釋服諸道節度觀察防禦團練等使及監州軍諸
刺史委寄至重並不得離任赴哀文武常參官朝晡之臨十五奉音
宮中當臨者非時不得擅哭天下人吏百姓告哀後出臨三日皆釋
服勿禁食肉飲酒婚姻祭祀釋服之後無禁奉樂薄奠之禮宜遵漢
魏之大其山陵制度切在儉約並不得以金銀錦繡文飾喪具五坊
鷹犬等除免符外餘並解放其醫官段遂起祀符度休馬伋等並釋
放咨尔將相卿士中外目察竭力尽忠匡子令嗣送往事居無違朕
志布告遐邇咸使聞知

咸通十四年七月

僖宗遺詔

門下朕以冲眇祇荷鴻基每惟祖宗之締構艰难念中外之始終匡
輔常同敢朽豈忘納隍而乃重去廟朝兩違陵寢始則黃巢犯關後
則朱坎欺天險阻道塗蒼黃播越唯思罪已但念勞人宗社降灵妖

氛尋蕩六龍回轡万乘還宮方將陳玉帛以充庭會蠻夷而向闕寧
期殷憂成疹宵旰奪神走群望而靡微希勿藥而罔効臣寮憂我攻
療無遺曾未小瘳以至大漸嗚呼脩短定分古今常期著在格言斯
為達理是用降茲訓誓祇聽朕言皇太弟知軍國事傑政名敏孝友
天資聰明神助龍顏表異日角標奇居天麓而風雨不迷輔中興而
山河備歷寬弘及物清明在躬必能保守宗祧奉承天地內撫百姓
外鎮四夷寔億兆之念同固威靈而是屬付託無恨子復何憂宜令
所司備禮於柩前即皇帝位仍以太保兼侍郎常昭慶攝冢宰軍國
事重不可暫闕以日易 抑惟舊章皇帝三日而聽 十三日小祥
二十七日釋服天下節度觀察防禦等使及監軍諸州刺史守職非
輕並不得離任赴哀應天下人吏百姓告哀彼出三日皆釋服無禁
婚嫁祠祀食肉飲酒釋服之後無禁舉樂文武官朝晡臨時十五舉
音宮中當臨者非時不得擅哭五坊鷹犬除備免符外餘並解放醫
官及伎術人等晝夜勞苦知無不為宜各安存勿或加罪噫朕念兵
革以來耕農久廢尤傷幾甸莫不流土豈堪復土之規獨昧吊人之

昔且累朝遺制畢及山陵以漢文薄葬之詞為烈聖循常之命約錦
綉金銀之飾禁奢華彫麗之工皆例作空文而並違先旨今者流離
若是痛毒堪悲伏百姓即百姓一空指國用則國用無取不可踵從
前之討度因此日之生靈俾朕厚顏下見先帝應緣山陵事務宜令
中外商量比從來每事十分各減六七桐棺瓦器朕所慕之况在今
晨勿欺大夜咨尔股肱重臣内外文武爪牙之士腹心之徒合志同
心輔予遺詔布告天下咸使聞知文德元年三月

睿宗遺詔

蘇頌題

誥朕聞古之建皇極承天序者雖創業垂統則至公之器固不可違
而居常待終則必定之期固不可易况朕以薄德累承聖緒常願致
虛守靖用遂其真志於崇高富貴本非所重故三為天下推三以天
下讓蓋從人之欲方禦於万邦知予既明復傳於七廟爰命皇帝寄
之司收觀其体自舜禹以成厥政則朕宵然汾別無負於時何嘗不
問寢以待膳候顏而順色孝已達於神明愛已兼於君父成朕之志
何慶如斯然朕頃感舊疾欲為大漸聖焉共尔脩短其分古無不死

同謂之歸付託得人夫復何恨屬繼之後三日便殯以日易月行知
自以厚葬傷生可以深誠其喪紀及山陵制度一依漢制故事社稷
務重皇帝不可諒闇自居小歛之後宜即別處視事軍將及岳牧等
所在發哀並不須來赴百辟卿士孝子忠臣送往事居無違朕意主
者施行開元四年六月二十日

明皇遺詔

惟天鑒下降享年有期惟人奉天獲汲為善予嗣承丕業勤守宗祧
中暱檢人幾士大寶賴皇帝撥亂反正戡難濟時幸以暮年復茲安
養常懼有悔以羞先靈今病既瘳留殆將不悟其國務之事非予所
圖哀制之間茲審貴訓曰者皇帝不豫厥疾近瘳禮貴適時或無封
執宜令天下吏人令到出臨三日皆釋服無禁婚娶祠祀酒飲音樂
其殿中當臨者曉夕各十五舉音禮畢而罷皇帝宜三日而聽政十
三日小祥二十五日大祥二十七日而釋服以日易月固有前聞人
予之念皆所未忍而艱難之際萬國事殷其葬送之儀尤須儉省特
宜改裁無守常規嗚呼萬方勿乖予志元年建巳月

順宗遺詔

朕聞生死者物之大歸脩短者人之常分古先哲王明於至道莫不知其終以存義順其變以節哀故存者不至於傷生逝者不至於甚痛謂之達理以貫通喪頃存弱齡即敦清淨逮于近歲又嬰沉痾嘗亦親政益倦于勤以皇帝天資人孝日踣聖劬爰釋重負委之康濟而能內睦于九族外勤于萬机問寢益嚴視善無曠推此至德以安庶邦朕之知予無愧天下今厥疾大漸不寤不與付託得人願復何恨四海兆庶亦奚所哀但聖人大孝存乎善繼樞機之重軍國之艱續承而之不可蹙闕以日易月抑惟旧章皇帝宜三日而聽政十三日小祥二十五日大祥二十七日釋服方鎮岳牧不得離任赴哀天下吏人誥至後出臨三日皆釋服無禁嫁娶祠祀飲酒食肉宮中當臨者朝晡各十五舉音非朝晡臨時禁無得擅哭釋服之後勿禁舉樂他不告誥中皆以類從事伏以崇臨仙寢復王終於旬邑疲人休功未幾今又重勞營奉朕所哀矜况漢魏二文皆著遺令永言景行常志夙心其山陵制度務從儉約並不得金銀錦綵為飾朕寢疾歲久以至彌留醫藥伎術之人夙夜無懈念其盡悴頗謂極誠必在優容務令得所百辟卿士宣力盡終克申送往之哀宜展事居之礼布告天下明知朕懷

元和元年正月十九日

唐大詔令集卷第十三

帝王

謚議上

高宗天皇帝謚議

德宗神武孝文皇帝謚議

順宗至德大聖大安孝皇帝謚議

憲宗聖神章武孝皇帝謚議

穆宗睿聖文惠孝皇帝謚議

敬宗睿武昭愍孝皇帝謚議

高宗天皇帝謚議

竊聞星迴日薄懸象著明之謂天就躍鳳翔握鏡來時之謂聖天以不言為德非言無以暢其神聖以無名會道行名然後基其用營虛樽棗之代猶昧典章如雲類海之君方崇號謚所以闡揚功美榮鏡古今伏惟大行皇帝稟樞電以降靈膺星虹而延曆以大聖而乘聖克昌寶歷之基由至德而慕德載廣金罔之運對日之歲窮象外之

微言弄田之夜盡天下之能事通入膺儲副養德春闈恒侍禁中問
 安之道斯極長居膝下候邑之誠逾厯因心隆於爰敬率性感於神
 明此先聖之孝德也泊乎正位 旒宸光宅區縣字俗軫如傷之念負
 重懷若勵之心求瘼恤隱寒扇渴漿追夏禹之焚甲襲殷湯之解網
 一物有違則滿堂興慮一夫弗獲則推溝實懷此先聖之仁德也無
 幽不察觀空合於目前無遠不招視八紘於掌內循杭按政則傍燭
 於九圍命將出師則坐知其萬里此先聖之明德也寅畏上玄肅雍
 清廟以議制事以禮制心提衡均取朽之危履石同躓冰之懼雖處
 泰固乘休而勿休此先聖之恭德也卑宮菲食土簋茅簷身好弋綵
 之衣手無金玉之玩暈表必炆祥袂安徹士星而莫施劫于影而弗
 取此先聖之廉德也榮河綠錯鑿宸鑑而生知温洛丹青藻璇襟於
 性與汾水秋風之唱仰天翰而扶輪媯油叢雲之訝欽睿詞而擁篲
 此先聖之文德也駕狄口狄無遠而不懷以戎戎有征而必伏提封
 所亘拓地位於邠瀛正朔所通闢境踰於亥步此先聖之威德也為
 於無事鳴壺訪道拜小童之言脩也就開載感大庭之寐此先聖之

大

身

玄德也体至道而調一氣舒卷陰陽運冲和而契兩儀發揮風雨將
 百靈以交際萬物而通誠珍瑞普彰休徵畢應此先聖之神德也以
 茲九德上則九玄顧連陸於後塵掩脊燧而高視若乃亭育羣方之
 惠財成庶類之仁百姓日用而不知萬品歲計而不測握河沈璧既
 受既於玄符封岳沒金復推功於文帝魏、蕩、無得而名方異于
 祥羽聖萬翊讚德長居北極之尊永契南山之壽豈謂十枝墜景遽
 論悲谷之揮八柱傾天奄落閩陽之構雲輿在御仙路方遙攀號無
 再奉之期摧殞深百亨之痛鼎湖弓劍逾增日遠之悲琰寢衣冠空
 愴月游之感顧以虛菲夙承乾蔭既忝彰明之地常懷輔佐之誠薦
 螢燭以助光引鶴露而添海而聖德虛受無來不應每聽覽餘暇侍
 奉話言論道德則洞啓玄樞語忠孝則廣通心極叙軒頊之淳化積
 若神交述堯禹之清風宛成晤對在位三十五載功超七十二君圖
 象所莫傳開闢所不覩磬楚越之竹書善未窮極泉雲之才頌德難
 盡自賢猷厭俗緹律巫移禍變相仍荒梗弥切正惟憑几之夕爰及
 啓歛之際神情湛正顏託慈勤痛遺賁之既遠懼先旨之無述所以

偷延荒息強綜彞倫望霄莫以具摧瞻宸筵而永慕今者龜謀既釀
蛩遂將臨劄上尊號之儀葉叶大名之典謹按自然覆育曰天明一
合道曰皇無所不包曰大謹狀上議曰天皇大帝廟稱高宗

德宗神武孝文皇帝謚議

許孟容

皇莫大于義軒帝莫加于唐虞似氏商鎬亦績憲度咸紀名謚以揚
昭光徵懦臣之儀所以本至公也號全德之尊所以節一惠也發揮
茂曜如揭日月伏惟大行皇帝文思睿哲天縱神授大明繼聖大孝
尊親服道稽古洗心藏密觀、易簡赫、功造嚴祖宗而上下昭假
仁懲兆而飛塵表靈始者薊冠殘魂戎旌未偃方由雍邨出提虞師
刷讎耻而戴君父起維城而升少海元良有問曆數誕膺同商宗而
心在諒陰泣漢制而禮從權令然後諏咨對越端拱而理時丁稔沲
盜起泚烈哀筭獨復雲雷駭奔決旬底定鯨燎殲洗反已哀痛大猷
弥尊取泉威武止殺弔人之志也金方朔臨檢狄昆夷赳赳曠悍不
敢不率丹穴南裔扶桑東極自古未化占風而至鏡照廣及無思不
服之德也大本達道是為中和鼓而舞之名我至樂安革繁溢以貞

神人奉順聖元侯繼獻九成八佾聖作明述垂衣脫劍訢合椅郡之
奏也觀文化成匠物研精四始六義勤諧風雅洪音巨麗焜燿皦絳世
言垂訓丹青玄鳥之作也蠲疴保全壽夭之門方疏傳賜日之廣利
札瘥不聞長養推仁施齊天地如保赤子之誠也教由德礼人乃耻
格古作訓夏我箴政刑載弘哀劄用息刀鋸利見大循本、心之旨
也躬信厚而偷薄以革體清明而貪饕以懲納匪躬之直無毀枝防
川之誤推輔弼之功有輻輳並進之歡泥金方草仙鼎忽成行漫無
從希夷永閉哀同軌之將會仰鴻名之可易鋪衍至願錫乎無窮謹
按經義參緒謚法曰物無方之謂神保大定功之謂武尊仁安義之
謂孝經天緯地之謂文大行皇帝變化無窮樞衡在握神莫過焉金
湯善師豺狼優馴武莫盛焉承休繼志永錫不疆孝莫大焉輝焯玉
度煥乎黼藻文莫逾焉者文史而徵德寔請上尊謚曰神武孝文皇
帝廟號曰德宗

順宗至德大聖大安孝皇帝謚議

臣上稽大后皇帝之建尊謚也咸揭盛德以旌至公備禮于郊即大

成命夫易名之典也故堯不稱魏、成功而以傳聖為盛德禹不稱
乃錫玄圭而以成功為盛德此之五帝三王統天作謚之大範也伏
惟大行太上皇天作睿哲上知大和揚九聖之耿光開萬祀之休運
雲行而施不俟終日廣愛博教克成決辰澤萬物德大乎犧公軒天
下道高乎堯舜原夫君人之表教於政疑造物之用先乎著龜在潘
播為善之樂王器流作貞之慶視膳有法文之孝撫軍有戡昇之庸
毓金德於春闈積大望於覆育垂三十載矣三善方齋乎聖飭六氣
遽嬰乎沉痾德宗皇帝虞繼明之重深唯疾之憂積其不悻至乎大
慚天崩地圻當瞑眩之夜流沙漸海有震動之懼而大行太上皇明
德動天神化無朕上虔九廟下恤兆人深盛翌月之瘡大慶即端之
作於是建冢嫡以發大号赦天下以壯皇猷聖作明遠同流灌注若
乃奄岩穴以搜賢才能官則招之道也黜進猷以藝貢賦籍田任土
之利也糝疵瑕而復於甯解網泣辜之仁也蠲逋責而惠困窮寬大
易簡之義也用能垂拱而神人交泰玄默而動植完安巍、蕩、聖
德如風列雷迅不崇朝而溢乎八紘矣猶以為黎猷之富教未洽陵

寢之制度未成深畚甘害於怙頰力政於憚於增劇既而同軌畢至
萬邦咸寧奉先之孝克終傳聖之美斯舉釋負寶位栖神玉清追姑
射之高縱樂 昏之妙道大矣哉與天地合其德則不為而成與交
化合其神則不疾而速聖造盤薄玄風汪洋所謂天授非人力也方
陋唐虞之異族樂文武於同時振擢童光永清四海孰謂初陽爰候
素疾弥留徵秘術而俞扁必臻走群望而圭璧斯磨何翠華之不註
乘白雲而上仙攀弓引劍哀哀極皇帝悼極憂以致養痛大教之
不延外遵易月之命內茹終天之酷詞不朽於禮謚旌 極於愛思
敢歌聖德垂鴻惇史謹按易月天地之大德曰生聖人之大宝曰位
謚法曰寬裕平和曰安勤慎所安曰孝大行太上皇乘運統天端拱
造物可謂至德感神運光明正位大賢可謂大聖永尚丕構傳聖
保和可謂大安九族安之兆人賴之可謂大孝下採華夷之望上合
神祇之心請上尊謚曰至德大聖大安孝皇帝廟曰順宗謹議元
月

王者崇高以配天廣大以法地章明以象日月誠信以合四時謂之
令王謚以全德所以名盛烈昭至公堯舜禹湯文武成康是也伏惟
大行皇帝田疏封以繼明自前星而受命以四海為養以萬乘問安
稽古法天自家刑國穆穆俊德煌煌大明煥乎人神塞乎天地國家
天寶之季宿兵中原強侯專地往往而有号令不一朝廷包羞元和
蟬威霆擊等掃戡夏翦蜀擒潞殄吳夷蔡取齊朝滄納定瘳千載之
期運平六葉之梗俗動也用軒轅之干戈靜也戰武王之弓矢聖神
之道其至矣乎以無方之能行不宰之用濟天下之務天下之仁
秋之情偽遐裔之虛實揣其變化權其後先屈指前筭若合符契多
士濟濟任其器畧文武俊傑畢力致用綱目張而萬化具斟酌明而
百事宜委庶務於廟堂之上壽百姓於循良之府開直言之路無蔽
聽廣弘大之恩物無違性宥恕刑獄哀惠困窮省薄徭役尊禮老者
約已恭儉推心平明公卿大夫任德終始近押貴寵畏忌守法採納
詳正聰斷精慎忠直樹立諫邪不行巍、成功赫、在上春秋、氏
傳曰武有七德禁暴戢兵保大定功安人和衷豐財之謂也殲夷姦

兇災害訖息禁暴也淮河底定大赦庇人戢兵也滌焉於汝南漢南
散卒於齊梁淮楚保大也封有勞爵有德定功 寬天下之靈絲奉
城中之方正安人也赦生致之寇虜爵拒命之我將之衆也乘輿服
御儉而有制賜與供給惠而中節豐財也神武不殺之德其若是為
不登軒年不亨堯舜壽百姓思慕如喪考妣同軌畢至祖庭有時敢
奉官常尊名稱德謹按謚法兵禁殘暴曰聖應變無方曰神法度大
明曰章為人除害曰武茲惠愛親曰孝戮鯨鯢而清四海不曰聖乎
裁造作而刑一德不曰神乎洞明哲而貞百度不曰章乎惟仁義而
服萬物不曰武乎載尊親而諧五典不曰孝乎書曰惟天聰明唯聖
時憲憲法也敏也謹酌之謚法質諸六經謹上尊謚曰聖神章武孝
皇帝廟號憲宗謹議

穆宗睿聖文惠孝皇帝謚議

臣祐議曰惣天人之盛美庖犧建其極舍昊穹之正氣金天侷其稱
仁聖或異号謚則殊至於兼包二躰昭宣一德有自有矣我今因之
爰徵免類以騰茂寔伏惟大行皇帝睿鑒通微神智周物早由藩邸

式踐儲闈誕膺眷命用建皇極續承丕緒克昭洪勳允厚帝載光被
玉度以易簡淑庶績以仁和壽蒸人明遂事而虛受進昌言而不哂
清廟嚴薦中壺問安彰愛以誠因心則著永言恭默思致雍熙敷祐
庶吐宗承古訓徵特牲之盛禮蘊祈穀之至誠親率公卿祇奉郊祀
爰昇火輅俯及端門休祥告應非烟在上輪囷五色迴復半空六轡
時按百辟稱賀洎圓丘展敬天感樂和紫燎告終人神胥悅於是雷
而作解惠及萬方布采春之煦育行堆新之頒賜詳延莊彥敷納正
辭納哀劄之書用寬大之典紹皆是恤繆斯平優賚困窮矜蠲逋賦
三光增耀羣物照蘇歲雜江濺之澤不可得而名也東寇猖狂在浚
為叛有征之日殲厥渠魁此所謂王者之師不戰而尅也昆夷恃衆
崆峒騁武亟為邊患時斬睿謨煩戎己之成勞癸庚之庚悔自我新
命咸歸旧封款款旁午求成修好俯從坎血之懇猥加築館之榮弓
夾載橐亭障羅警倚成輔弼清一寰區無私之覆既均不宰之功遽
化矧乃優遊乎文史之內精窮乎草隸之源崇杖席而選文儒設官
司而尊侍從所以謂求為務聰納居多導三代之盛猷垂億載之休
烈雖疾由聖躰而慮發宸衷每求衣夙與太湯但出汲金是請方事
搗謙憑玉俄聞奄取未命年奠踰於克壽時忽促於軒昂六龍飛蓋
以上昇萬姓号天而靡及今因山既卜同軌將臻爰究德威式循典
禮同書曰睿作聖文前儒亡睿聖也謹按謚法曰劄祀礼享施為於
人皆曰聖大行皇帝虔恭郊廟軫念黎元教尚不嚴化行無朕不為
聖欤又慈惠愛人道德博聞皆曰聞赦三就之刑採百氏之奧仁恕
育物克明致理不為文欤又慈仁好與柔質虛愛皆曰惠薄錫賚宴
哀及鰥寡開延納之路容讜直之言不為惠欤又曰秉德不曰慈惠
爰親皆曰孝文以繼明聖資統御服勤不替就養無方不為孝欤考
古謚而符德教請上尊謚曰睿聖文惠孝皇帝廟號曰穆宗謹議

劄宗睿武昭愍孝皇帝謚議

賈鍊

定尊號考聖烈終古之重事有司宜用大者遠者上質百王之明例
下開千載之成法恭之意極臣下之誠酌而舉之以正大謚故稱天
以諫大莫加焉微臣得議公莫至焉所謂大者遠者蓋愍夫一朝之
治化四海之惠澤夷夏之率職元元之愛賜皇明所臨之遠近睿漸

所繫之巨小何如耳其他苟不足以升降盛德者固得畧而不論伏惟
大行皇帝以英睿之姿紹膺丕曆啓皇輝於磐石浴聖德於少海欽
承天命天下感悅既即尊 孝思於顯列聖之道術履無違禮行乎
郊種勗達乎宗廟富四海以致養榮兩宮以問安推恩廣愛累霈鴻
渥發号施惠洽于百靈而又天姿嚴正睿德沉毅時海內承憲宗務
宗威靈德澤之後朝野無事生人休息初臨大寶委政宰庭雖春秋
至富而遠蓄剛辯既閱庶務四聰益達英斷自己任賢不疑故卒能
光啓承明載安天下橫議或熾聖衷逾堅忠勲內外叶贊雄畧於是
奉兵食之大計示經營乎四方而不庭之藩首自夷殲勵忠奮節將
帥於朝承風嚮化遐聳勳夫不怒而威不戰而勝王者之武也推是
大指引而神之則未形之用可見矣惜乎道未光乎天地澤未浸乎
四海而爰生非慮遐迩抱天於生靈之悅憤其可既乎七月將至同
軌既集臣謹上稽因典傍考物情約以經義合諸謚法表功節惠庶
叶大中書曰睿作聖夫以睿哲之材經聖明之業而祖宗成式脩舉
罔墜禮百神而親九族尊儒術而容諫諍鋪鴻闡號德用章明州非
庸而何謚法威強睿德曰武制勝朝堂之上而稜威遠取不俟車甲
非武而何昔漢昭帝之所以為昭知臣而已謚法亦曰明德有功曰
昭大行皇帝雖謙讓然終任其剛斷以顯明德非昭而何夫愍者臣
下追悅惋之誠所深切者也謚法在國逢難曰愍聖朝既討讎戡亂
明告四方有司所宜率億兆之心極君親之義薦誠旌感非愍而何
謚法慈惠愛親叶時肇享昏曰孝享愛勗於率土刑家邦之孝理躬
親嚴配之典奔走職來之助廣慈至德非孝而何傳曰臨之以莊則
勗又記曰莊勗則嚴威擬盛烈之形容恭歷古之訓典謹上尊謚曰
睿武昭愍孝皇帝廟號勗宗

唐大詔令集卷第十四至二十四卷並闕文

唐大詔令集卷第二十五

妃嬪

冊楊恭道女為婕妤好文

冊崔弘道女為才人文

冊蕭鏗女為美人文

冊蕭錄女為美人文

起復上官氏婕妤制

皇弟良娣董氏等貴妃誥

睿宗貴妃豆盧氏等食寶封制

趙國夫人一品制

冊元妃某氏弟為貴妃文

良娣楊氏等貴妃詔

冊獨狐頴女為貴妃文

薛氏等才人制

鄭氏才人制

贈妳婆元氏潁川郡太夫人制
妳好王氏為淑妃劉氏為賢妃制
吳氏等昭儀制
王氏才人制

冊楊恭道女妳好文

維貞觀某年月日皇帝遣使某官某持節冊命曰於戲惟尔前魏王府諮議參軍楊恭道第三女門襲鐘鼎訓彰禮則幽閑表質為順柔心備職後庭定惟通典是用命尔為妳好往欽哉其光膺徽命可不慎欤

冊崔弘道女為才人文

維貞觀某年月日皇帝使某官某副使某官某持節冊命曰於戲惟尔兼徐州都督府司馬崔弘道長女門稱著姓訓有義友婉順為質柔明表行宜升後庭備茲內職是用命尔為才人往欽哉其光膺徽命可不慎欤

冊蕭鏗女為才人文

維貞觀年月日云云於戲惟蕭鏗第二女幼習禮訓風表幽閑曾出鼎族言聞華閭宜遵舊章授以內職是用命尔為美人往欽哉其光膺徽命可不慎欤

冊蕭錄女為美人文

維貞觀年月日云云於戲蕭錄第二女稟訓冠族著美家聲習禮流香鏡罔有則宜升後庭允茲令典是用命尔為美人往欽哉其光膺徽命可不慎欤

起復上官氏為妳好制

門下易著鳴讓禮稱辭貴稱以宗讓而退滿推心自得其道弥光前昭容上官氏相門積善儒宗雅訓文孝觀時柔嘉順時內守恬淡外防奢侈發於少長持以周旋樂無靡曼衣必幹濯珠璣不珍墳籍為寶故能誠切一至功宣兩朝謹議日聞屢接楚筆忠規歲納方輕漢葦惟此邦媛鬱為宮師遂能息綜十倫孝高百行頃罹創巨爰命推奪秩茂左嬪思被光寵志齊班女懇陳為挹而賢明之業經濟之才素風逾邁清輝益遠不成厥美

將蔽斯言今依表奏以憲圖史可起復婕妤主者施行
景龍三
九月二十
九日

皇帝良娣董氏等貴妃誥

閔睢之始化於國風貫魚之序著於大易用能輔佐王道叶宣
陰教皇帝良娣董氏良娣楊氏良媛武氏等門襲鐘鼎訓彰禮
則器識柔順質性幽閑美姿克於六寢令軌成於四教且升徽
号穆茲朝典董氏可貴妃楊氏可淑妃武氏可賢妃
年十月

睿宗貴妃豆盧氏等食寶封制

有德者位崇有功者秩厚事本關於國躰理無隔於邦媛故周
母有乱臣之名漢嬪有比侯之爵睿宗貴妃豆盧氏賢妃王氏
往執陰禮實毗内政訓行九御奢滿六宮歲祀雖淹徽庸未昧
宜啓非常之命特賜湯沐之邑可各食寶封二百户

趙國夫人一品制

門下問君以礼乃受齊封免主於危方延漢渥賢妃啓邑萬古
時趙國夫人義範端蕭操履堅正四德聿修六宮攸仰承

恩蘭掖累受葭灰送往事居備盡忠勤之節利人益國每陳庄
贊之規頃属二豎構克九重起亂將危宗社謀害聖躬属申遂
鳥之誠克勵鷹鷂之志方効節於松竹宜寵錫於苴菜可一
品

册元妃某氏弟為貴妃文

維年月日皇帝若曰易著六位正天下者先齊于家詩本二南
厚人倫者理成于國垂耀于帝極符紀繁乎河國蠲潔莊齊祇
奉織經膺是典册置婦淑明咨尔元妃某氏濬源洪宗靈派茂
緒植性懿哲稟姿端柔竭奉兩宮總理衆御弘古以行已逮下
以率人循師傳之嚴躬勤儉之訓色不恃貴言無矜驕和以能
容遜以自牧致茲蘭馥洽于椒房是宜首四星以居元冠三妃
以推惠今遣使某官某副使某持節册命為貴妃尔惟公乃視
聽底于聰明聽靡有偏視靡有惑言違而志必觀其誠言順而
心必觀其佞婦順之化資汝而彰陰教之端資汝而正劾之戒
之無替成式可不慎歎

良娣楊氏等為貴妃詔

詔曰六位時成方祇所以載物四始爰著樛木於焉逮下故能風化聿定肅雍昭被皇后虔恭棗盛儀刑邦國詠螽斯而闡業閑閨睢而蹈禮邁樊姬而進善踰鄧后之推賢去歲及茲累陳表疏以為內職未備有虧前代之禮朕祇奉靈命君臨城在紫宸之重若取朽於秣駕處黃屋之尊猶履冰於眷旭志崇簡約惟靡徵求絕良家之選曠後庭之例寧唯矯正百王亦將垂鏡于祀皇后所陳切理在難違式順徽音敬依來請良娣楊氏良娣于氏並家承鍾鼎心標婉淑夙侍儲闈從外天禁久淹歲月先著恭勤咸擬職上台分榮中壺楊可貴妃于可淑妃于可德妃良媛陳為昭儀良媛閻為充儀良媛陸為充容崔氏為修儀

冊獨孤頴長女為貴妃文

維大曆三年歲次戊申月日皇帝遣使某官某冊命曰於戲位亞長姝坐論婦道聽天下之內治序人倫之大端御于邦家式是風化惟爾贈禮部尚書獨孤頴長女祥會鼎族行高邦媛休

仁則厚履禮惟純有冲敏之識不資姆訓有淑慎之行自成嬪則蘊此貞懿灼其方華選躬之初奉承先命肅恭之儀克稱尊旨蓋輿北幸侍從勤誠祇事壽宮備申哀敬能盡其節實同我心久奉椒塗載揚惠問勤於道藝每鑒圖書動有箴規必脫簪珥進賢才以輔佐知臣下之勤勞謙讓益勤記功惟最聲流彤管道洽紫庭克副宮教載修壺職眷求賢淑用峻等威有百辟抗辭六宮歸美宜崇禮冊俾奉彝章是用冊曰貴妃往欽哉元或居上而驕元或處貴而逸降情以逮下誠事以防微潔其棗盛服其澣濯敬循禮節以率嬪御膺茲嘉命可不慎歟

許氏等為美人制

勅許氏尹氏段氏等素稱柔順式稟惠和頗閑閨壺之儀率備祖訓之訓服勤有素窈秩宜優是嘉內範之良並命中宮之職許氏可美人尹氏可段氏才人

鄭氏為才人制

勅古者天子設六宮以詔內理是以閔睢樂得淑女爰在進賢
將聽雞鳴之詩豈唯魚貫之序鄭氏山東今族海內良家每師
班女之文嘗慕樊姬之惠桃婆焜耀蘭行馨香爰用擇才冀元
傷善勉當選進之重元志平和之心可才人

贈如婆元氏穎川郡大夫人制

古者緣情立礼著慈母之制蓋圣人示德元不報之理而漢宣
帝亦追錄掖庭郡邠嘗有阿保之勤以功深淺並授封賞記千
前典歷代是之故如婆元氏朕在襁褓賴其撫育推燥就濕慈
爰持深可謂仁人厚惠茂德者矣可贈穎川郡太夫人

大曆八年
姒好王氏等為淑妃制

門下禮重內朝固有彛制德既備於宮壺位宜峻其等威姒好王
氏劉氏並體坤順之德循姆師之訓齊莊之禮淑慎有儀揚懿軌
於中闈表柔明於內則惠流宸禁芳藹椒塗慕辭輦之智弘逮
下之德宜極寵教以彰徽猷必能重正閭儀助修陰教無媿於女
之誠國風之詩王氏可淑妃劉氏可賢妃仍並令所司擇日備礼

冊命王者施行

開成五年二月二十一日

吳氏等封昭儀制

吳氏可封昭儀 張氏可封姒好 晁氏梁氏並可封美人
羅氏史氏並可封才人 錢氏可封長城郡夫人 曹氏可封武威郡夫人
勅位亞道焯長毗於內理必資懿範方被寵章吳氏等佩服禮
經周旋法度有柔婉之行既表於天資有恭儉之儀可施於嬪
則慕班氏之辭輦偉馮媛之當熊思在進賢義高前史是用列
於紫殿冠彼後宮俾洽彤管之榮式俊金環之慶可依前件

會昌六年五月二十三日

王氏為才人制

勅王氏性稟惠和行推柔順自備宮闈之選頗彰合淑之才組
紉獻爾館之功圖史服椒庭之訓既嘉懿軌爰錫寵章宜御脩
九之教以正三星之位可才人

唐大詔令集卷第二十六

追謚

皇太子謚孝節皇帝制

寧王謚讓皇帝詔

瑞德太子謚奉天皇帝制

齊王謚承天皇帝制

冊謚文

冊謚孝節皇帝文

冊謚殤皇帝文

冊謚讓皇帝文

冊謚恭皇后文

冊謚承天皇帝文

哀冊文

孝節皇帝哀冊文

哀皇后哀冊文

讓皇帝哀冊文

恭皇后哀冊文

奉天皇帝哀冊文

承天皇帝哀冊文

承天皇后哀冊文

皇太子謚孝敬皇帝制

朕肅承鴻緒無忘御朽之懷虞奉聖謨每切深臨之懼以穹昊垂祐宗社降靈公卿盡叶贊之謀黎庶遂懷生之望故得乾坤交泰日月休徵垂衣而晏九瀛端拱而家六合方將迴鑿峒岫体高尚於軒皇脫履汾川追逸軌於伊后成功弗處思遵象帝之規守器斯傳用申知子之授皇太子弘生知誕質惟幾毓性肅敬著於三朝中寢問安仁孝聞於四海若使負荷宗廟寧濟邦家必能永保昌國克延景歷豈謂遽嬰霧露遂至弥留顧惟輝掌之珍持切鍾心之念庶其痊復以禪鴻名及賸理微和將遜于位而弘天資仁厚孝心純確既承朕命掩歎不言因茲感結舊疾增甚億兆攸係

方崇下武之基五福無徵俄遷上賓之駕昔周文至愛遂延慶于九齡朕之不慈遽永訣于千古天性之重追懷哽咽且申往命加以尊名夫謚者行之跡也若者事之表也慈惠愛親曰孝死不忘君曰節可謚為孝敬皇帝仍遵典故式脩徽章布告遐邇使知朕意

寧王謚讓皇帝制

上元二年四月

勅能以位讓為吳太伯存則用成其節歿則當表其名非常之稱旌德斯在故太尉寧王憲誕含粹靈允膺大雅孝悌之至本乎中誠仁和之澤非因外獎率由禮度雅尚文儒謙以自牧樂於為善比兩獻而有光與二南而合直自出臨方鎮入配台階逾勵忠勤益聞周慎寔謂永為藩屏以輔邦家魯才愍遺奄焉殂歿及于之痛震慟良深惟王朕之元昆合昇王嗣以朕奉先朝之睿略定宗社之阡危推而不居請予主喪又承慈旨焉敢固違下然者則宸極之尊豈歸於薄德茂行若此易名是憑自非大號孰副休烈按謚法推功尚德曰讓德性寬柔曰讓敬追謚曰讓皇帝宜令所司擇日脩禮冊命

開元二十九年十一月十九日

靖德太子謚奉天皇帝制

門下聖人立号天下至公膺其美者必歸有德有其德者或先其位苟微烈可紀則追崇之典行焉况義貫因心禮優加等稽夫徃策抑有前聞盛葉鴻猷久不可替故端德太子琮慶鍾霄極親則朕元性與天通行高時望宣慈惠和聰明睿哲四科兼綜以貫之而福壽不遐既隨徃運緬惟友爱寔軫于心朕昔踐儲宮願誠非次於君父之命所不敢違以長少而言豈志其序每思懇讓竟莫獲從遽順聖慈守茲宝位安可不申夙志有關推恩宜加尊異之名載茂哀榮之典敬用追謚曰奉天皇帝妃竇氏曰恭應皇后宜委有司即擇日冊命更以禮葬仍令存僕射冕充使監獲少府監竇履信為副主者施行

元年建寅月

齊王謚承天皇帝制

勅藩屏之謚古無鴻名先朝親、則有殊禮自我立制垂萬代法嗣位以長天睠在予崇德報功固當昇号况時逢多難首建大冊進昌言以啓聖期告成命以開皇運易名之儀特異革常

典故齊王俊承天祚之慶保鴻名之光降志尊賢高才好孝藝文博洽智略宏通斷必知來謀皆先事織元不達理至逾精廼者殺盜橫流蓋與南幸先圣以宸扆之志將侍君親惟王以宗廟之重誓寧家國克叶朕志載符天時立辯群議之非同獻五原之計中興之盛寔籍奇功景命不融早從原宥天倫之愛震慟良深流涕追封胙于東海頃加表飾未極哀榮夫以叅旧邦再造之勲成天下一家之業而存未峻其等歿未尊其称非所以旌徽烈明至公也朕以眇身繼膺大宝不及讓王之禮莫申太弟之嗣所懷靡殫邈想逾切非常之命寵錫攸宜敬用追謚曰承天皇帝以興信公主故弟十四女拜張氏冥婚謚曰恭順皇后有司准式即擇日冊命加以禮葬

大曆三年五月七日

冊謚文

冊謚孝敬皇帝文

維上元二年八月五日天皇若曰於戲咨夫御圖錄者至聖荷提衡之業承宗廟者元良膺受命之期眇尋千古之外縱觀百王

之表成功不處高讓之躅惟崇在賢斯授則哲之風逾遠賤彼勳
 華鼎祚傳於有億洎夫湯武寶曆歸於孟侯揖前載之宏模成
 後王之茂範者也炎精失馭巨猾挺災普天陷塗炭之危巖寓
 豺狼之毒我高祖神堯皇帝應天御物撥亂反正斬白蛇而定
 誓蒼吼而會諸侯底綏萬邦寧六合太宗文武聖皇帝循機統極出
 震開階練彩石而補乾綱極橫流而恢地絡遠穆述肅時清頌平
 朕式纂昌基欽承睿緒幸憑累圣之福高居兆人之上靈符叶
 贊天命允集是以昭報先功鏤玉於外中之觀聿崇嚴配裡珪
 於布政之宮俗阜歲豐化淳刑措幽明以之効社稷夏由其又安
 取朽逾兢履繩多愧嘗以人之所寶者位雖處位以思冲心之所存
 者道希察道而求逸是以載想褰迎虛襟脫屣凝神不宰宣滌汾
 水之陽滌慮元為訪道襄城之野咨尔故皇太子弘克岐克嶷
 有德有行事親以孝愛劼極於寢門奉上以忠恭慎形於馳道
 孝慈不犯惠以及人載隆三善之規無俟八繁之誠發揮弦誦
 遼業之道弥光黼藻温文承祧之望攸重撫軍監國大闡良圖百

揆萬機佇令居攝庶幾乾坤交泰主鬯之業方新日月重光繼
 昭之明斯遠頃炎氛戒節属尔沉疴實冀惟痊釋余重負粵因
 瘳降尔以斯懷尔忠懇特深孝情天至聞言哽咽感絕移時因
 此弥留奄然長逝伊川可望泣笙駕之無追瑤嶺空痛琴風之
 永絕循襟念往震悼良深然事欲必行礼雖崇而則致德可尚
 身已謝而宜尊加以尊名允符心許是用謚尔為孝恭皇帝
 昭典册俾夫位光一德叶帝載於將來名叅四大播天聲於
 於然古明矣若存享茲宝命嗚呼哀哉

冊謚殤皇帝文

維開元二年歲次戊寅八月景辰朔日皇帝若曰於戲咨尔襄王
 象月降靈自天生派弱不好弄長而勤書衣冠待明有清河之
 畏懼狗馬不玩得淮南之恭儉往以中宗宴駕嗣位登皇制于
 凶述是膺虛氣惧深禍乱為掃除推位太皇誠請懇到至公克
 遂雅懷垣宜其受茲多福極彼遐齡而膝理俄纏膏者不救感
 念親懿用隱悼子厥心夫避德與能傳聖永祚承萬方之大福

在三讓之高節周之太伯王則有焉豈可禮均蕃臣名上列國
等昌邑之厭毒同營陽之淪弃者哉是用超于旧典享以榮号
遠惟仁慈之心特傷短折之壽可謚為殤帝皇仍遣某乙持節
授冊宜膺窆靈式慰泉壤嗚呼哀哉

冊謚讓皇帝文

維開元二十九年歲次辛巳十一月戊申朔二十五日壬申皇
帝若曰於戲古者崇德考行猶謚大名歸終追遠亦膺徽冊况乃元昆
之戚天倫之重豈徂恒典者哉咨尔故太尉寧王憲純粹秉靈冲
和成量孝友之性發乎天然仁義之道勤乎日用加以孝不倦
樂善有聞休問掩於間平清猷光於魯衛寔謂儀刑邦國保乂
藩維景命不融奄從薨遊興言震動哀疚纏懷惟王地居元子
合膺主鬯昔朕上稟先訓克清群兇遂固守撫謙懇讓儲副然
則深仁厚德茂行已表於生前寶仁尊名盛禮寧忘於歿後是
用謚王為讓皇帝今遣使尚書左丞相裴耀卿副使太常卿常縮
等持節禮冊因心之感備物飾情瞻典榮而哀深想棣華而望

絕所冀幽安嘉茲寵榮嗚呼哀哉

冊謚恭皇帝后文

維開元二十九年歲次辛巳十一月戊申朔二十五日壬申皇帝若
曰於戲尊名備禮所以悲友于也因親錫号所以申悼往也讓
皇帝故妃元氏門承華烈代襲清猷柔範夙著徽音允穆自作
儷天人能修壺訓克茂詩歲之教截修國史之規豈謂福善元
徵遽先殂遊天倫有感追悼兼懷福貴從尊事資飾贈有行梁
苑早膺藩邸之榮將祔壽原允叶椒房之位是用冊妃為恭皇
后今遣使尚書左丞相裴耀卿副使常縮持節禮冊車服式陳
典章攸備永惟神路嘉是哀榮

冊謚承天皇帝文

常哀

維大曆四年歲次己酉五月甲辰朔十二日乙卯皇帝某官某
乙持節冊命曰於戲稽于古典考于謚法戚播邦號禮或闕文
爰自先朝特追尊稱蓋以長而教順豈私親而立制今之殊禮
禮允屬元勳天下至公不可廢也尔故齊王某慶稟霄極氣

陶元和孝彰純行忠表令德學師申務文友徐陳達東平之詔
尤推達理辯南陽之牘可謂可徵靜而有謀敏亦能斷往以玉
室多故翠華南巡緬懷家邦守建大議上戴君父詔開中興會
五原之兵車復四海之強宇懋此微烈屈於流運爰深同氣痛
結中腸頃雖褒錫猶未僉允言念經啓之功載加飾終之教爰
華旧典追崇大名是用冊王曰承天皇帝改置園邑從饗清廟
贈以黃屋左纛龍旆九旒必備王者之儀用極送哀之禮度榮
厚宥有感于懷嗚呼明靈尚服休命

哀冊文

孝節皇帝哀冊文

薛元起

維上元二年夏四月己亥皇太子弘薨于合璧宮之綺雲殿年二
十四五月戊申詔追号謚為孝節皇帝八月庚寅將迁葬於恭
陵有司奏哀冊文曰 赫矣皇統昭哉帝尊光膺宝曆大啓瑤因昌
原緬鏡墮阨不渝欽惟妙哲誕靈居宸若未資芳咸地毓潤韶
襟日湛英姿岳峻裕玉擒華鋪金協韻摩外作翰爰歸養德

衡室成規軒庭稟則至節斯踐温文匪忒傍照四方下貞四國
虔誠問寢嗚謙齒冑洞掩儒城橫披礼囿塵流揚彩環林舉秀
飛迥來儀鴻生入授率性謂道收縱自天明踰視牘文冠題鞭
裁山聳仞締席開延絕簡時鋒精義咸甄豪飛紫露言控驪泉
務殷監撫寄深社稷艱俎不陳龍雉在惻聰達有裕疝婉兼極
瑜珮增輝金華動色乾慈竹渥延暎儲皇惟天下之重器將釋
負於巖廊竭因心之孝辭受終之禮躋厚載以兢魂跼曾穹而
擘涕冲二日 逾懇神鑒不留以微告尔大漸無瘳方劭尊

師之業奄從賓帝之遊嗚呼哀哉大象潛運仄飛從幕輕霜賈
兮文梓寒高颺起兮仙桂落未戢歸庖之鷺空對柶闕之鶴鳴
呼哀哉玉靈獻兆蜃隧合陰拖儀旌之委鬱翊羽騎之森沉輓
湯渠迴鷺指毫改以遙臨楚挽驚而疑斷悲茄咽而復尋蕭索
動風雲之氣蒼茫感天地之心嗚呼哀哉流日黯以西傾奔川
淼而東度地擬橋山之曲莖如畢陌之路攀宇宙而無追仰音
顏以纏慕嗚呼哀哉瀛區有變天柱終飛懷蒼梧而日遠望白

雲而不歸沉沉隴樹漠、泉闌竭庸音而載筆藹千祀而騰微嗚呼哀哉

哀皇后哀冊

宋溫璩

維開元六年歲次戊午夏五月甲午朔三日景申哀皇后裴氏梓宮啓自先嬪將遷祔於恭陵之山瑩禮也皇上御寰區而翼、慕洪緒而親、感上仙於周副痛未從於虞嬪攀鶴駕於終古增醫輅而增新時無遠而推告物有容而必陳纂芳仲思微幽寄神載清揚懿之烈爰屬有司之臣其詞曰月麗雲昇靈叶爽馮非邑鄉茂族晉邑丕承土厚河廣祥發慶膺公侯必復絞冕攸與良精允象室家化國昌胄延和榮門誕德淑問不已柔順允塞素里揚英清閨仰則一人元良萬邦大本天作之合興能烈壺家本樹於漢封地先歸于晉哀主饋旌善賀酒騰歡承暉養德奉景訪安搖金羽之頰結環珮之珊、賁日月之光色妙靈象而無端含章握文劭微情獨崇法服於翬維接懿筐於蠶簇覲皇英而上親祇霄燭而下睦庶無違於信順期有馮於福靈忽虧光於輪月奄落彩於前星爽仁壽於偕老邁天福而期丁贍神宇之惟漢感靈衣之靡形驚迴風於虛殿宿象鳥於空庭顧長御以擘涕甘自殉於山扃制立時而遽終情循節而恒若草騰春而饒砌出冷焠而入戶限百刻之不延周六脉其誰補嗚呼哀哉殂謝緬其永久氣節浸以流換感寔空之幽偏軼皇情以悽歎稽舊章之典樂崇新命之綸渙齊天地而德合綜神靈而道貫嗚呼哀哉日吉兮辰良玉珮兮金章命駉枝以進駕翊龍輶而上驥代靈靴於河鼓建恭旗於太常號宮女之噉、遣使臣之皇、騰魚軒兮皆地渚乱鳳管兮越南崗當赫儀之畏日如徒靡之焠光望魯城而不返遵厚夜而何長嗚呼哀哉神理惟昧萬物同宅人生有終駟馬過隙訊虞妃於前古聞賓帝於在昔感伊洛之山川懷靈仙之影迹彼霄形兮天壤云誰同兮金石惟彤管之芳輝與青史而無數嗚呼哀哉

讓皇帝哀冊文

徐安貞

維開元二十九年歲次辛巳十一月戊申朔二十四日辛未寧王薨于

西京之郊第旋殒于正寢之西階翌日有制冊王為讓皇帝蓋景
龍戚先帝即位王嫡長將立為皇太子讓大功於我皇洎薨落
讓存有追崇之義粵若天寶元年夏五月乙巳朔十七日庚申將
遷座于惠陵禮也龜策先遠就輔此時嗚呼哀哉皇帝遣金紫
光祿大夫守尚書左僕射攝太尉上柱國許平縣開國侯耀卿
奉宵載奠祖筵以申天倫之戚也乃命詞臣叙之典冊其詞曰
昔真又述作表高節於讓王太伯聞乎有周皇昆昭于聖唐古
往今來身退業昌沒而不朽揚乎耿乎玄祖錫慶重熙累盛茲
冢嗣之謙德追遺靈而受命童孺之辰初壽春開固方大進封
于蔡以委親賢是兼中外奄有于宋復遷于寧正疇庸於地
理配明德於天星或建符節言歸闕廼既睦天爰承歡帝樂
東扈溫泉西侍平樂風雅屬和論思辯博晨趨北上謁紫殿
於蓬萊夕息南歸對瓊樓於花萼莫匪思遇周爰諮度坐而
論道實惟三公登太尉兼儀同拜司徒命司空儀刑作孚宣智
風稽以前事緬懷逝者五王同日曜人君之一號萬國來朝元梁王

之駟馬讓則有之崇名可追踰周盟之禮會七月之期太史造時
遣奠于茲自藩王之郊茅見天子之旌旗度春明而春盡下長
樂而長辭經灞川與渭川慘容衛步遲遲當死門之宮觀使吾
觀使吾君兮望思嗚呼哀哉高寢林間陰堂晝開代謝今昔神
之往還列昭穆兮斯在奉忠孝於橋山嗚呼哀哉

恭皇后哀冊文

韋良嗣

維開元二十八年歲次庚辰月朔日寧王妃元氏薨于西京之第旋
寢于某塋天未忘疊相次徂落其明歲十月二十四日王薨在殯制
冊為讓皇帝且有後命追謚妃為恭皇后蓋以王有讓統之寔而
妃有恭德之美所以孝行追崇皆聖人天倫篤愛有光於古先
者也粵天寶元年五月乙巳朔于七日庚申將遷祔於惠陵王薨
及葬凡為七月天子之禮也乃命侍臣叙以冊書其詞曰
皇矣有熊處乎玄官衣冠所在社胤無窮以武而興復于土中
以文始火元氣比崇禮侔周格慶漸柔風展我邦媛倫昭有融
至靜委和如天克令莫莫中谷夭夭作詠黃練導容素紗增

映鑿圖閱史陰儀壺政帝罷元昆妃承累命降家之人禮擬陰
安之盛漢書文紀陰安侯高帝姬鵲巢行化人倫以正或幾望於終古故
守冲而益斂祥開寤兆服媚蘭蓀女延陽邑男受推恩緣車齊
軫綵戟盈門各稟柔訓常貽話言天授戩穀無非審帝婦昭
事凶毀臺成冰團月忽蝕朝雲亦霽綵滅韶陽收華邸第嗚
呼哀哉魯宮未考津門遽哀帝以讓而追謚后後夫而永陪輦
榆暫奉璋璣誰開用小君之備物怨吾王之不來嗚呼哀哉娥
輪半上啓輅將移追雙旄兮遲遲卷六衣兮披一青門一別步
不駐素澹既濟兮相隨入長陵之松柏願漢苑兮參差司馬門
兮壘一恭后墳兮在斯嗚呼哀哉

奉天皇帝哀冊文

王縉

維元年建寅月二十六日故靖德太子謚曰奉天皇帝妃竇氏謚曰
恭應皇后啓自細柳將遷座于新豐望黃山而入土苑遇紫極
而出天門傍臨鳳闕雙引龍輜乃詔左僕射冕祖饋於行宮禮
也今上孝悌通於神明追崇徽謚用達皇情陟崗目送避殿涕

盈爰命述者以振休声其詞曰

昔在高祖文思武德龍戰必勝海飛爭息威加八荒奄有萬國
累業繼聖惟天是則昌運斯應睿哲乃生爰自弱歲有如老成
秤象知日小測曰言輕率爾之對略而不行問安內豎豈獨重
明深居邸第亦稱維城禮無不執藝或可遊聯行魯衛虛佇
應刘鴈鷺非好神仙不求為善自樂俾躬處休行成於內声聞
於外性寔匪驕迄能用晦朝野多歡兄弟高會工客曳倨閑
園飛盖仁者當壽天道何昧小山未傾盤石忽碎嗚呼哀哉天
慈罔極寵命猶新前星告位少海遷神黃公誰客青宮自眷空悲
玉牒獨有芳塵正位乎內進賢美肅一今妃幽公之子家自漢室
代為戚里百兩比眉四教盈耳不藝珩珮能循沼沚傳訓公宮留
箴女史旋稱未亡自誓之死柔質泚焉徽百不已嗚呼哀哉帝念元
昆人無間言不及讓因於是追尊惟儲出震惟儷居坤備陳服御
更起陵園來九重兮復去動萬乘兮還靜挽悽楚而凝哀駕遠
遲而轉影別青門之早春背素澹之斜景路已窮於咫尺時

延於俄頃嗚呼哀哉神輝永戢軒曜長肩窈臺椒闈泉戶彤庭
開壽宮兮寂、虛玉座兮冥、宿上帝於宵眇陪五后之明靈
海為田兮岸為谷德不朽兮惟馨嗚呼哀哉

承天皇帝哀冊文

常哀

維大曆三年歲在景午四月丁未朔六日庚子故齊王謚曰承天皇帝
與信公主季女謚曰恭順皇后初天宝十五載會布國難王首建
大議扈先帝於朔垂以其年八月薨于行在某年某月追封齊王
今上親親念切冊贈大号以大曆三年六月遷座於咸陽銀原
傳曙金根在取出仙禁兮遠迤栢橫橋兮西去乃詔禮儀使工部
尚書祖奠于行宮禮也圣慈友愛痛結天倫爰命作冊授之儒臣其
詞曰天祚我唐帝系其昌鴻明皇皇子孫保光長發其祥倬生賢王
英華外揚五色含章聰敏明粹孝友純至文麗眷華神清顯氣所
全者德不有其貴昔在開元錫蕃其美儲后爰子天皇弄孫勝
衣超拜即啓東藩山委慶賚雲翔渥恩紫殿丹臺兮相屬臨洞
睿旨兮沉沉聯日光與金友煒芳萼於瑶林甲觀宴兮之承顏

數寢門侍兮鍾爰深既閑詳於占對亦自守於冲退妾外事之嬰
拂服前言之箴誨謂歡娛之未史何艰否之相會雷雲遽屯閑
落揚塵乘喫南幸定議北巡上戴君父協于天人中興之業寔
賴經論如何上玄不假之年冊謚金鼎樽空玳延軼于震慟澤
瀉重泉東負蒼海鑰其土田願謀始之言博謂飾終之恩薄崇
章大号自我天作賜梁國之旌旗用魯侯之禮樂備物宮庭巍
、麗靈室符玉牒照曜青瑩仙駕帝儀上昇紫宜邦綬之妹
婦道不踰遽辭金屋久閉珠襦錫以象服合於鮒隅嗚呼哀
哉出国門兮蒼山轉辭白日兮長安遠驚飈落於桂宮零露
沾於蘭坂建翠鳳兮歲蕤瞻輅馬兮遲、壽宮閉兮與天畢
玉座深兮无曉時嬪嬙儼兮侍新寢鳧鴈遊兮非故池戢神輝
之杳靄結吾君之眷思唯鴻勳之不泯耿然終古兮同斯

承天皇后哀冊文

楊炎

維大曆三年歲次景午四月丁未朔五日庚子故齊王謚曰承天皇帝
妃張氏謚曰恭順皇后天宝末賊臣構難王從二聖南幸

成都自武功定策禁中扈先帝於靈武以是年八月薨于行在
上今錄功達遠詔謚鴻名以大曆三年六月遷座于咸陽禮也雲
翻宿懸天鷄空響建翠鳳以雙引度蒼龍而長往皇帝慟極天
倫齊于間館望桂嶼之蕭颯撫蘭臺之傷斷爰詔近臣遺音是
纂其詞曰

皇圖氛氳麗于天文本友百代聯華千載維王斯會其祥則太祖
武之烈宗文之配令德純粹溫恭慈愛和必有節動而無悔持盈
冲明道若昧金玉是式鼓鐘于外伊昔慶行維皇握圖天孫載弄
甲觀晨超善問居講巖師服儒瓊林煇寔室藁晴敷皇用錫土
苴茅部符大邦之翰滄海之隅遙分朱邸近植青梧爰鍾嘉惠寵
被宸渥從侍寢門觀風大孝禮聞齒讓聽辯声樂曆運中否災
鯨精昏帝初避狄圣有昌言王叶群議天迴乘轅適于砥礪
之野進于閭閻 門雲趨北河電掃中原方從廟告守言藩垣忽
川逝于東海怨夜長於西園嗚呼哀哉志業見於屯蒙勲名留
於天壤成宗禮之有聖悲歡爰 易喪獨精聚而竟遊奉名親

以長往展我邦媛德容可仰魯館而家齊風是長翟拜三月駟
歸百兩豈鳳吹以有歸而虹銷之无像嗚呼哀哉帝念伊始睟容
生憂傷桂色之幽蠹望山河之林丘解劍龍而追慟燭鴻微以冥
搜駕之輅旗服以冕裘灑于官於天衢將合祔而從周嗚呼哀
哉茄鼓霄陳河山曉發地快北兮声遠天空同兮影没入幽隧
之穹林伏盤原之宮闕嗚呼哀哉考至公與至性見為子兮為臣
臨難不忘其社稷感時思致其君親短而非病逝豈同塵惟德
名與盛典可親法以求仁嗚呼哀哉



